

կաններդ, առհասարակ, ոչ մի տեսակէտ չունիք»:

— Պէտք է չափազանցել,— ասում է Սերգէյը՝ բակլաջանի մի կտոր ծամելով ու շիշը ձեռքին,— աւելի շուտ պէտք է ասել, որ մեր մտաւորականները սխալ տեսակէտի վրայ կանգնած են»:

Բաժանիները լեցնում է եւ ասում .

— Մշուշապատ երազներով ապրող այս մարդիկ, անողոք իրականութեան առջեւ, բոյնը կորցրած թռչունի նման, շուարած փնտռում են, ի՞նչ են փնտռում՝ աստուածները գիտեն:

— Մենք վստահ ենք,— բացականջում է փոքրահասակ, կլորիկ, պետական թերթի խմբագիրը,— մենք վստահ ենք, որ ձգմարտութիւնը մեր կողմն է,— ու պարպում է իր կոնեակի բաժակը:

— Ձգմարտութիւնը կին է, բազմադէմք, բազմահոգի, եւ ամէն սիրահար կարծում է, որ իր սիրած կինը ամենազեղեցիկն է եւ ամենակատարելալը,— ասում եմ:

Նկարիչ Ս-ն կծկուած նստել է սեղանի ծայրին ու ինձ աչքով է անում, զգուշութիւն պատուիրելով:

— Աղբեր, ամենքս էլ համաձայն ենք,— ասում է ան մեղմ ձայնով,— այս երկիրը պէտք է շինել, քանդուած երկիրը պէտք է վերականգնել:

— Հարցը դրա մէջ չի, կարելոք մօտեցումն է:

— Այո՛, այո՛, կարելոք մօտեցումն է: Դո՛ւք ազգայնամոլ մտաւորականներդ,— եւ Յ-ն ձեռքը դնում է ուսիս վրայ,— դուք ներկայ դրութիւնը համարում էք իր ժամանակաւոր:

— Իբրեւ ժամանակաւոր չարիք,— շուտ աւելցնում է խմբագիրը:

— Այո՛, — շարունակում է Յ-ն,— իբրեւ ժամանակաւոր չարիք, Չ-ն իրաւունք ունի: Չեզ համալ ներկայ դրութիւնը անցողակի մի երեւոյթ է. դուք շարունակում էք ապրել երազներով, դրսից օգնութեան էք սպասում, ծրագիրներ էք կազմում: Իսկ մենք, կապել ենք մեր բախտը միջազգային պրոլետարիատի հետ եւ մեր յոյսը յաղթական յեղափոխութեան

հետ: Մեր աշխարհը մեծ է, մեր կարելիութիւնները՝ անսահման:

Գ-ն բարձրացնում է իր բաժակը լոյսի մօտ եւ նայում ճառագայթների խաղը գինու մէջ, յետոյ վար է դնում եւ քաղաքավարի ասում .

— Ընկերները իրաւունք ունին. Եւրոպան մեզ խաբեց: Եւ ո՞վ մեզ չխաբեց: Վրացիները մեզ խաբեցին, թրքերը խաբեցին, քրդերը խաբեցին, եւ ո՞վ գիտէ դեռ ինչքա՞ն մեզ պիտի խաբեն . . .

Չ-ն ծիծաղում է:

— Եղբայր, Չ-ն, խմբագիրը, ամէն օր մեզ խաբում է, յօդուածների համար փող է խոստանում եւ երկու ամիս սպասել է տալիս . .

Ամենքը ծիծաղում են: Լուսմ էն: Ս-ն սկսում է մրմռալ: Մի քանի հոգի երգում են:

— Խմենք Սերգէյի կենացը:

Ա-ն փնտռում է. «Սերգէյը ո՞ւր է, մի քիչ առաջ այստեղ էր»: Սերգէյը ներս է մտնում ձեռքերը նոր շիշերով բեռնաւորուած: «Ուրբա՞ր»: «Սաս՛ւր, զգոյշ հարեւաններ կան»:

— Նիչէ՛վօ,— ասում է Սերգէյը,— խմեցէք, քէ՛Ք արէք»:

Գ-ն նստել է մօտս, բաժակը կպցնում է բաժակիս .

— Կ. Չարեան, ինչ որ էլ լինի, հայրենիքը անուշ է, այնպէս չէ՞: Մեր այս գինին, մեր այս ձուկը, համով եւ հոտով մեր այս մթնոլորտը, ո՞ւր կարող ես գտնել . . . Այնպէս չէ՞:

Բառերը դուրս է հանում սրտի խորքից, թոնիրից հանած տաք հացի նման, ձախ ձեռքով խաղում է մազերի հետ, իսկ աջով բաժակի հետ:

— Աղբեր, կեանքը դժուար ա: Գիտես էլի, հաղիւ ծայրը ծայրին ենք հասցնում եւ, եթէ այս մոռացութեան բոլորները չլինէին, ծով էլ չկայ, որ նետուես:

Սենեակի միւս ծայրում Մ-ն վիճաբանում է: «Պատմական մատերիալիզմը . . . դիալեկտիկան . . . տնտեսականը ամէն բանից առաջ»: Գ-ն նախադասութիւնները նետում է իր առջեւ փափուկ կարպետների նման եւ վստահ ու միամիտ ման է գալիս:

Դ-ն, փափսում է ականջիս .

— Օրինակի համար, վերցնենք, մու՛թ մի փողոցում, սրածայր մի դանակով, մի մարդ